



आयदा 19

सायख्लुम आरो दुहंनि सल'फोर - फुथुला आरिमु

जों गसैबो पुथुला, कार आरो रकेटफोरजों गेलेदों, सल' आरो आखुफोर सोरजिदों, नंगौना? जों जोंनि फिसा फुथुलाखौ खैफोदआव गोगलैनाय सोरखौबा रैखा खालामनो एबा चकलेट ड्रीमलेन्डआव साहसगोनां खामानि मावहोबाय। थारैनो फुथुला आखुआ बेनो!

फुथुला आरिमु मोनसे दिन्धिफुनाय सोरजिनो थाखाय जिउ गैयै अनजिमा एबा दिन्धिफुनायफोरखौ बाहायनायनि आरिमु। फुथुला दामग्राफोरा नायगिरिफोरनि सिगाडाव सल' खिन्थानो, रंजानो एबा खौरां दैथायनो थाखाय आखाइनि सोमावसारनाय, दुहं एबा रडफोर बायदि बायदि आदबफोरनि गेजेरजों बेफोर अनजिमाफोरखौ हेरफेर खालामो।

नुथाय 5: आखाइनि फुथुला - फिंगार, सक्स आरो ग्लब

फुथुलाफोरा गसैबो महरफोर आरो अरथाइफोराव फैयो। फुथुलाखौ माबायदि नुनांगौ बेनि बागै जेबो थि नेम गैया। बेयो नोंथानि सोरजिलु सानबोलावरि बायदि रुजुजायै जानो हागौ। फै जों बयनिखुइबो गोरलैसिन - नोंथानि आखाइजों जागायनि! नोंथाडा सोरजिनो लुबैनाय आखुफोरनि गोरलै मोखां बानायना ला (नोंथानि नखर एबा लोगोफोरनिफ्राय) आरो बिसोरखौ रायज्जलायहो!




0680CH19

नडाब्ला, नोंथाडा नोंथांखौबो बेनो हायो गांसे लेखा बिलायाव आखाइ हो आरो आखुथाय सोरजि।



दानिया फै जों आगानसे आवगायलानि आरो गोरलै सोरजिनि। आसिनि फुथुलाफोर।

कस्ची आरो आथाजों मोनसे सरासनसा काप बानायनो



गोरलै आसिनि फुथुलाफोर

थाखाय लेखा बिलाइखौ बाहाय, बेखौ गावनि आसियाव गान, गुबुन गुबुन मोखां, आखाइ आरो आथिं बो। दा, नोंथाडा बैफोर



सिनायथि होजानाय मोनदाथिफोर

- आखाइनि फुथुला मेथाइ
- लावथि आरो सायखं फुथुला
- भारतनि फुथुला आरिमु
- गारांनि मडुलेसन

आखुफोरखौ मोनसे मुं होनो हागोन आरो गावनि मोनसे सल'
सोरजिनो हागोन !

फुथुलाखौ माबोरै बानायनांगौ बेनि जेबो सिमा एबा नेम
गैया, बेनिखायनो नोंथानि फुथुलाखौ गोथां खालामनो थाखाय
गुबुन गुबुन लामाफोर नाजा !



जुनारनि आखुफोर



जर'खा आखुफोर



गोजाम आरो इतिहासनि आखुफोर



गावनि आसिफोरखौ आर्थिं बायदि बाहाय

सक आरो ग्लब पपेटफोर

फुथुला बानायनायनि गुबुन मोनसे राहा जाय नोंथानि सानबोलावरिआव बांसिन आखु दाजाबदेरयो - स'क एबा आखाय मुजानि फुथुला ।

गावनि मोनसे गोरलै मजा फुथुला बानायनो थाखाय बेयाव मोनसे आगान-दर-आगान लामा दिन्थिनाय दं ।

बेखौ मोनसे मुं हो आरो गावनि रायज्जायनायखौ सोरजि !



न'आव थानाय जायखिजाया म'जा ला ।

बेखौ गावनि आखाइयाव गोरा जाजासिम गान ।

मोनब्रै आसिफोर आरो आलादा-आलादा थंबट्टनि सोरगिदिं मोनसे इलास्टिक एबा रबरबेन्ड दोन ।

गुबुन राहा महरै, नोंथाडा खुगानि जायगा आरो स्टिक कार्डबर्डखौ दाननो आरो खेवनो हायो ।

नोंथाडा लुबैनाय बायदि मैगन, सालाय, खानाइ, गन्थं आरो गुबुन आखुथायफोरखौ दाजाबदेर ।



आखाय मुजानि फुथुला रायज्जायनाय



आसि फुथुला रायज्जायनाय

मावफारि

मोननै आखुथाय सोरजि । नोंखौ बाहाय सानबोलावरि । बियो मानसिफोर, जुनारफोर जानो हागौ । एबा एलियनफोर बायदि सानबोलावरि आखुफोर । नोंथाडा मासे मोसा आरो बुहुत, एबा बोराय मानसि आरो सैमा बायदि जथायनायबो सोरजिनो हायो ।

आखुथायफोरखौ फारिलाइ खालाम । मोनसे मुं आरो आबेग हो - बेफोर मिनिथाव नामा, रागा जौनाय ना दुखु?, रायज्जायनायनि मोनसे स्टाइल थि खालाम ।

मोनसे गोरलै रायज्जायनाय लिर । मोनसे स्क्रिप्टनि मोनथाम बाहागोखौ गोसोआव दं नामा? बेखौ थि खालाम दि नोंथानाव मोनसे थासारि आरो मोनसे सौग्रावलायनाय दं जेराव बे सानै आखुफोरा रायज्जायो ।

दिन्थिफुनाय सम





बे दिन्थिफुनायखौ नोंथानि थाखोआव एबा नोंथानि नखरनो दिन्थि । नोंथाडा दा सासे फुथुला दामग्रा !



स'क फुथुला रायज्जायनाय

भारताव आखायनि फुथुलाफोर

जेब्ला नोंथाडा नोंथानि फैगौ फुथुला दिन्धिफुनायनि थाखाय गोदान सानसिफोरनि बादै सानगासिनो दं, फै जों फुथुला दामनायजों सोमोन्दो थानाय जोंनि हादोरनि गुबुन गुबुन रायजोफोरखौ संदाननि ।

1. सखि कुन्डेइ आरो सखिनि उनाव - उरिस्सा	2. पावकट्टकलि पावाक्कुथु - केराला	3. पुतुल निफ्राय - बेंगल	
<ul style="list-style-type: none"> • पेपियर मेचे, दंफां एबा सिजों बानायनाय आरो गोजों, रंजालु मोखांफोर थायो । • बिसोरो मोसानो आरो रोजाबनो मोजां मोनो, आरो बिसोरनि सल'फोरा गोबां समावनो मिनिनाय आरो रंजानायजों बुंफबनाय । • बेफोरो अडिशायव फोरबोफोर आरो फालिथायफोरनि मोनसे मुंदांखा बाहागो । 	<ul style="list-style-type: none"> • गाबगोनां आरो थुनफावथायारि मोसानाय महुरजों थुलुंगा जानाय, जायखौ बुंनाय जायो । खाताखालि. • दंफांजों बानायनाय आरो जेथो गोनां खसाबफोर आरो गहेनाफोरजों साजायनाय । • बिसोर बुंनाय सल'फोरा गोबां समावनो बिनि सायाव बिथा खालामजानाय । रामायण आरो महाभारत. 	<ul style="list-style-type: none"> • हाजों बानायनाय आरो सल' खिन्थानायनि मोनसे रुजुजायै रोखोम दं । • बिसोर गोबां समावनो सल' खिन्थायो । कृष्ण आरो राधानि बागै, आरो सोलिफु जाथायफोरबो । • बिसोरो खबामजों आखाइ खबयो आरो गावजों गाव माला गाननो हायो । बिसोर गेलेनो जोबोद रंजाथाव । 	



फुथुला ट्रिभिया

- भारतआव थाम रोजा बोसोरनि बांसिन समनिफ्रायनो सल' खिन्थानो थाखाय फुथुलाफोरखौ बाहायनाय जायोमोन । मोनसे गोसो बोनो हाथाव सल' दं । ऋषि व्यास याव भागवत पुराण. बेयो दंफांनि फुथुलाफोरखौ दुरुंजो सामलायनायनि बादै रायज्जायो ।
- आबादारिफोरा सानसे खामानि मावखांनायनि उनाव फुथुला दिन्धिफुंनाय आरो नायनानै गोजोन होयो ।

नुथाय 6: लावथि आरो सायखं फुथुला

बेयो फुथुलानि मोनसे महर जायनि थाखाय माखासे गुदि सेटअपनि गोनांथि जायो । बेखौ मावनो हायो । नोंथाडा थाखोआव एबा न'आव । नों माखासे गुदि मुवानि गोनांथि जागोन जायखौ नोंथाडा नोंथांनि साखाथियाव मोन्नो हागोन ।

जेराव नोंथाडा गाव हारसिडैनो आखाइनि फुथुला आरो स'क फुथुलाफोर खालामनो हायो, बे मोन्नै महरनि थाखाय नोंथाडा हानजायाव खामानि मावनांगौनि गोनांथि जायो । बेनिखायनो, थां नोंथांनि फुथुला दामग्राफोरनि हानजाखौ नागिर !

थाखोखौ साबानिफ्राय द' गथ'फोरनि हानजायाव बोखावनांगौ । मोनफ्रोम हानजाया मोनसे मोनदांथि एबा सल' थि खालामगोन जायखौ बिसोरो खिन्थानो लुबैयो । मोनफ्रोमबो हानजाया मोनथामनिफ्राय मोनन्नै आखुथायजो मोनसे गोरलै स्क्रिष्ट सोरजिगोन । बिनि उनाव हानजाया फुथुलाफोर बानायनो थाखाय जयै हाबा मावो ।

लावथि फुथुलाफोर

लावथि फुथुलाफोरा बानायनो थाखाय गोरलैसिन आरो गथ'फोरखौ गोबां रंजाहोनोबो खाबु होगोन ।

- नोंथांनि सल'नि गासैबो आखुफोरनि सावगारिफोरखौ आखि आरो गाब हो आरो बेफोरखौ महर हो ।
- बाडायसिनाव द' इन्सि एबा बेनिखुइ गोलावसिन लावथिफोर नागिर । बेयो फांसे बिफांनि दालायफोर,

आइसक्रिम लावथिफोर एबा कार्डबर्डनि स्ट्रिपफोरबो जानो हागौ जाय गोरा जायो ।

- लावथिनि मोनसे जोबनायाव नोंथाडा बोनाय आखुफोरनि सावगारिफोरखौ औरैबादि ग्लु खालाम दि नोंथाडा मोनसे जोबनायाव हमथायो आरो फुथुलाया गुबुन जोबनायाव थायो (सावगारि नाय) । नोंथांनि लावथिनि फुथुलाफोरा थियारि !



फुथुला दिन्धिनाय फ्रेम

मोनसे गोरलै आयतआव मोनसे कार्डबर्डखौ दान, जाय नोंथांनि सोरजिनाय गासैबो आखुफोराव गोरोबनो थाखाय थोजासे गिदिर ।

सायख 'जाथाव: नों फ्रेमखौ साजायनो हागोन नोंथांनि स्क्रिष्ट बायदियै आरजाथाव सावगारिफोरजो ।



नोंथाडा हाग्रामा एबा लामानि मोनसे आरजाथाव बेकग्राउन्ड सावगारिबो दाजाबदेरनो हायो ।

नोंथाडा दिन्धिफुंनयनि थाखाय थियारि !

साफ्रोम हानजानि सोद्रोमाया मोनसे आखु लायो आरो हानजाया फुथुला दिन्धिफुंनयखौ दिन्धिफुडो ।

दा जेब्ला नोंथानाव लावथि फुथुला दिन्धिफुंनया थियारि जाबाय, सायखं फुथुला बानायनाया आगानसे गोजानाव ।

सायखं फुथुलाफोर

नोंथाडा कार्डबर्डनि फ्रेमाव मोनसे गुफुर सि दाजाबदेरनो हायो आरो टर्च बायदि सोरांनि मोनसे नोजोर गोनां फुंखा बाहायनो हायो । सायखं फुथुला दामनायनि थाखाय गोसोआव लाखिनो थाखाय माखासे बिन्दोफोर —

- सोरांआ जाहाथे गैया होन्ना थि खालाम । सायखंनि गोबौ बायदि बांद्राय गोसारहो । बेनि सायाव सोनारो । सोरांखौ मोनसे दिदोम सा बाहागोआव दोननांगौ, जाहाथे बेयो सोलाया ।
- आखुनि महर बाहागोआ बयनिखुडुबो गोनांसिन मानोना गाब, मोखानि महरफोर बायदिफोरा सायख्लुमाव नुनो मोना । आउटलाइन (Outline) आ नोंथानि नायगिरिफोरनो आखुखौ खोन्थानो हानाय जानांगौ ।

जेब्ला नोंथाडा सायखं फुथुलानि गेजेरजों सल'फोर सोरजिनानै नोंथानि लामाजों खामानि मावनो नाजायो, फै जों बेखौ मिथिनि दि मोनसे हादोर महरै सायखं फुथुला आरिमुनि आरिमुआव जों बेसेबां दावगादों ।



भारताव लावथि आरो सायखं फुथुलाफोर

भारताव सायखं फुथुला आखुआ 2000 बोसोरनि बांसिन समनिफ्रायनो दं। राम आरो कृष्णनि सल'फोरा बयनिखुइबो

मुंदांखासिन। गाहायाव होनाय सावगारिफोराव, मोनफ्रोम फुथुलानि गुदि खिथानि थाखो आरो जेथोगोनां डिजाइनफोरखौ नाय। जोनि आरिमुगिरिफोरा बेसेबां आखा-फाखामोन!

1. सामब्रानि फुथुला मेथाइ अन्ध्र प्रदेश आरो तेलंगानानिफ्राय	2. फुथुला आरिमु कर्नाटकनिफ्राय	3. रावण छाया अडिशानिफ्राय	
<ul style="list-style-type: none">जेथो गोनां सामब्रानि फुथुलाफोर, सांग्राडै दाननाय आरो आखिनाय।बे फुथुलाफोरा थारैनो जोबोद मोजाडै मोसानो हायो।बे रोखोमनि फुथुलाफोराव हनुमाननि सल'फोरा जोबोद रंजाथाव। 	<ul style="list-style-type: none">बेफोरो सामब्राजो बानायनाय। आरो गाब बाहाय।Profile (प्रफाइल) आरो सिगांनि नुथायखौ जयै नाय।फुथुला दामग्राया रोजाबो आरो आखुफोरखौ जिउआव लाबोनो थाखाय रिसारथि गोहोम खोरखैयो, जायजो सल'फोरा आरोबाव गोसो गुदुं जायो। 	<ul style="list-style-type: none">बे स्टाइलआ गोसोम आरो गुफुर फुथुलाफोरखौ समयनायै डिजाइन खालामदो।फुथुलाफोरा सल'खौ खिन्थायो। रामायण.रावणनि फुथुलाया सरासनसायै आद्रा थानाय फुथुलाफोरनिखुइ 1 फुट देरसिन। 	



मावफारि - गावनि फुथुला दिन्धिफुनाय बानाय !

फुथुलाफोर - थियारि ✓

फ्रेम - थियारि ✓

आनदोआरि - थियारि ✓

स्क्रिप्ट — रेडि ✓

नाथाय डायल'गफोरखौ सोर होगोन? फुथुलाफोरा रायज्जायो नामा? नडा! नों रायज्जायनो हागोन नामा? हायो! नाथाय बेयो नोंनि बायदि रिसारगोन... नोंथाडा नोंथानि आखुखौ माबोरै 'like' खालामगोन?

फिन्नाय: गारानि मडुलेसन

फुथुलायाव गारां मडुलेशनआ नोंथानि फुथुलाखौ गावनि मोन्दांथिफोर एबा बेयो बुनाय सल'जों गोरुबनो थाखाय गुबुन-गुबुन गारां होनाय। बेनिखायनो, जेब्ला नोंथानि फुथुलाया खुसि जायो, अब्ला नोंथाडा नोंथानि गारांखौ रंजालु आरो हाइगि खालामनो हायो। h-pइटेच। जुदि बेयो मोनसे गिथावना सल'खिन्थायो, अब्ला नोंथाडा नोंथानि गारांखौ गाहाय खालामनो हायो जाहाथे बेखौ गोमोथाव रिसारहोनो हायो जेरै नोंथाडा

गुबुन गुबुन गारांजों माबोरै गेलेयो जेब्ला नोंथाडा गुबुन गुबुन आखुफोर दिन्धियो। दिन्धिफुनायखौ बांसिन गोसो गुदुं आरो रंजाथाव खालामनो थाखाय नोंथाडा नोंथानि फुथुलाजोंबो बेबादिनो खालामनो हायो!

बेयो जोबोद गोनांथार जेब्ला नोंथाडा गावनो मोत्रै आखुनि फाव खालामगासिनो दं। देरहादोंमोत्रैबो आखुनि थाखाय रोखोमसे गारां खोनासंनाया बारु जानाय नडा, जाय नोंथानि सरासनसा गारां बायदि खोनायो? बेनिखायनो, मोत्रैबो आखुथाया गावजों गाव आरो नोंथानि गारानिफ्राय गुबुन रोखोमनि रिसारथि जानांगौ।

बेयो जायखिजाया रोखोमनि फुथुला दामनायनि थाखाय सैथो, नोंथाडा स'क फुथुला दामनाय, लावथि फुथुला एबा सायखं फुथुला दामनाय। नोंथाडा नोंथानि गारानि सायाव खामानि मावनांगोन। गोसोआव लाखि दि बेयो बै आखुजों गोरुबनांगौ जायखौ फुथुलाया थान्दैथि खालामगासिनो दं!

बिदिन्धि - सासे बोराय सुबुंहा गोजौ गारां गोनां गारां थानो हाया!

नोंथाडा बानायनाय फुथुलाफोरजों फुथुला दिन्धिफुनायनि थाखाय नोंथानि स्क्रिप्टनि सारिफोरखौ सर'खालामबाय था। दायो नोंथाडा फुथुला दिन्धिफुनो थियारि। नोंथानि नायगिरिफोरखौ ला... थियारि... थां!



फुथुला ट्रिभिया

- कृष्णदेवराय आरो विक्रमादित्य बायदि भारतारि राजाफोरा फुथुला दामनायखौ जोबोद मोजां मोनोमोन, बेफोर सोमोनांथाव दिन्धिफुनायफोरनि थाखाय बिथांमोनहा गावसोरनि जुनिया थियेटरफोर दंमोन ।
- फुथुला बानायनाया फरायसाफोरनि गेजेराव आथोनारि सांग्रांथिजों लोगोसे रैखाथि गोनां आरो खैफोद गैयै दांनायनि सायाव सांग्रांथि लाबोनो थाखाय मोनसे गोहोम गोनां आदब जानो हागौ ।
- आथिखालाव, भारतारि फुथुला आरिमुआ गोदान आदब आरो बिरोंदामिन लाबोनानै दोरोंखौ फोथानानै लाखियो जाहाथे बेखौ आरोबाव गोसो गुदुं खालामनो हायो ।

गाहायाव होनायफोरनि थाखाय मोनसे गारां नागिर आरो बै गारांनि गाहायाव होनाय सारिफोरखौ बुं:

"नोंथाडा सानजौफुनि ओंखाम जाबाय नामा?"		"आं पार्कआव गेलेनो लुबैदों!"	
"हेल' ! नोंथाडा आंजों खारनाय बादायलायनायाव थानो लुबैयो नामा?"		"नोंथाडा आंजों गेलेनो लुबैयो नामा?"	

